



16. februar 2012

Inatsisartut suleriaasianni §37 naapertorlugu Naalakkersuisunut apeqquteqaaq.

- 1) Naalakkersuisut isumaqarpat oqaatsinut politikki 2010-mi Inatsisartut akuerisaat naammaginartuusooq?
- 2) Naalakkersuisut isumaqarpat pisortat suliffeqarfiutaanni oqaatitsigut politikkeqalerneq tigulluarneqarsimasooq? Aamma pisortat suliffiutai tamarmik inatsimmik malinninnissaminnut siunnersorneqarsimappat?
- 3) Naalakkersuisut Oqaatsinik Pikkorissarfik suleqatigalugu oqaatsinut politikkeqalerneq kinguneranik qanoq iliorlutik suliniuteqarnerulerniarpat?

(Inatsisartuni ilaasortaq Jane Petersen, Inuit Ataqatigiit)

Tunngavilersuut:

Oqaatsinut politikkeqalernitta kingunerisussaavaa nunatsinni oqaatsitta pisortatigoortumik oqaasiulernerata nukittorsarneqarnissaat. Tamannalu partiit tamattaalluta ataatsimoorfigaarput.

Taamaakkaluatorli paasissutissat takutippaat oqaatsinut politikkit annikippallaartumik suliffeqarnit maluginiarneqarsimanera.

Pissutsit ilaatigut imaammata pisortat piginnittooqataaffigisaanni uani assersuutitut Royal Arctic Line-mi kalaallisut ilinniarsinnaanermut periarfissaq atorneqaraluartoq ilinniarnissamut qinnuteqartut ikippallaarneri pissutsigalugu Oqaatsinik Pikkorissarfik pikkorissarnissamut kinguartitsisariaqarsimammat. Minnerunngitsumilu soorlu Nukissiorfinnut naalakkersuinikkut sipaarniarqarnera peqqutaaqataalluni Nukissiorfinni oqaatsisigut ilinniartitsineq iluatinnaraluartoq kallarneqarluni, taamaalillunilu oqaatsitta pisortatigoortumik oqaasiulernerata tangeqarnera aamma millisarneqarluni.

Nunatsinni suliffeqarfiit pisortanik pigineqartut piginneqataaffigineqartulluunniit pisortat ingerlataannut malitsitsiseqataasussaapput, taamaattumillu inatsimmik malitsitsinissaat pisortat aamma eqqummaariffigisussaavaat.

Qulaani taasakka tunngavigalugit Naalackersuinikkut anguniakkatsinnut kipungassuteqar-toqarnera kialluunniit takusinnaammagu politikkikkut iliuusissanik ujartuivunga.